

# Oqaasiliortut ataatsimiinnerat

Tallimanngorneq, januaarip 12-ianni 2015, nal. 10.00

## Oqaasileriffimmi

Peqataasut: *Carl Chr. Olsen, Karl Møller*

Peqquteqarlutik pisinnaanatik nalunaartut: *Stephen Heilmann* aamma *Eva Møller Thomassen*

Peqataanngikkaluarluni ataatsimiinnermi oqaluuserisassanut tamakkiisumik isummersuutiminik emailikkut nassiussaartoq: *Stephen Heilmann*

Erninermut atatillugu sulinngiffeqartoq: *Katti Frederiksen*

Allatsi: *Judithe Denbæk*

Oqaluuserisassat:

- 1) Siulittaasoq tikilluaqqusivoq nalunaarutigalugulu CCO-p Oqaasileriffimmi pisortatut soraarninngorneraniit (januaarip aallaqqaataaniit 2015) nutaamik pisortartaarnissap tungaanut Beatrine Heilmann pisortaagallartoq. SH-p peqataanngikkaluarluni emailikkut ullormut oqaluuserisassat tamakkiisumik isummerfigimmagit ataatsimiinnissaq ilaasortanik marluinnarnik najuuttoqaraluartoq pisinnaasoq nalilerneqarpoq, SH-p isummersuutasa atuutsinnerisigut.
- 2) Ataatsimiinnermi kingullermit imaqarniliaq taamaatsillugu akuerineqarpoq.
- 3) a) Tusarniaanermut akissuteqaat. Inatsisartut inatsisissatut siunnersuutaat *UPA2015/xx: Uunga siunnersuut: Tuniniaanissamik nittarsaassisarneq aamma nalunaaqutsersuisarneq pillugu Inatsisartut inatsisaat nr. xx, xx 2014-imeersoq* pillugu tusarniaanermut Oqaasiliortut akissuteqaasiorput, ulloq januaarip 15-iat 2015 sioqqullugu akissuteqarfiusussa. Inatsisissatut siunnersuutip oqaasertaanut naqqiissutissanut allanguutissanullu siunnersuutit akissuteqaammut

ilanngunneqartussat eqqartorneqarput, ilanngullugulu Oqaasiliortunit siunnersuutigineqarluni isumaliutigeqquneqassasoq suliffeqarfinni sulisitsisut tuniniaanissamik nittarsaassinissaminnik ikiorneqarnissaminnik siunnersorneqarnissaminnillu pisariaqartitsisut Oqaasileriffiup Oqaasiliortunut tunngasunik sullissisuannit ikiorserneqarsinnaanissaat, kalaallisut nittarsaassisarneq taakkununga ajornaqutissaajunnaaqullugu. Akissuteqaat ulloq taanna nassiunneqarfissaanut nassiunneqarpoq.

b) Ateq atsiissutiginiarlugu qinnutigineqarsimasoq, Ulaayu, Inuit Aqqinik Akuersisartunit itigartitsissutaasimasoq qinnuteqartup isumaqataanani Oqaasiliortunut suliareqqitassanngorlugu ingerlateqqissimavaa. Oqaasiliortut Inuit Aqqinik Akuersisartut taperserlugit itigartitseqqipput. Tunngavilersuutigineqarpoq kalaallit inuit aqqi kalaallisut allattaatsit tunngavii malillugit allanneqartassammata, taamaammallu qinnuteqaraluartumut siunnersuutigineqarluni ateq Ulaajuk. Qinnuteqaraluartoq ulloq taanna akissutisivoq.

4) Taasariaqartut allat. Allamik taasassaqartoqanngilaq.

Carl Chr.Olsen  
Oqaasiliortunut Siulittaasoq

Judithe Denbæk  
Oqaasiliortunut allatsi